

արք, խափանել զայն և նորոգել զՀայոցն, և մութացուցանել նախ քան զՊատեքն. գրեաց առանձին առ Սեղբոս և Մելիտոն Ամիրայս լինել ձեռնառու դործոյն, Դեկտեմբեր 13: Ի հասանիլ գրոց Գրիգորի 'ի Կոստանդինուպօլիս առ Յովհաննէս Պատրիարք, մատոյց զիր ամբաստանութեան առ Արքայ բազմութեամբ եկեղեցականաց և գլխաւորաց ազգին, յորում գանկատէր զանիրաւութենէ ազգին Յունաց, զորոյ գհամառօտ միտոս զիցուք աստանօր:

Դաշնագիրք Օմարայ, Ալիայ և Մէլիք Սալահատինի և վաւերեալ թուղթք գատարանի, յորս բացայայտ երեւին նախնի պայմանադրութիւնք Հայոց, և թէ Հապէշք, Գալթիք և Ասորիք հետեւակ են նոցա. և զայս իրաւունս ոչ ոք յօտարաց բռնաբարեաց. և 'ի գահակալութեան նորին Արքայի, նորոգեցան այսոքիկ հաստատեալ Կայսերական հրովարտակաւ: Սակայն Յոյնք ոչ շատացեալ հետեւակաց իւրեանց, որք են Վիրք, Սըրսք և Ռուսք՝ ստուրթեամբ և հնարիւք առին հրովարտակ 'ի Կայսերական յատենէ, յափշտակել զհետեւակս մեր. տեսեալ թէ հակառակ է այն նախնի պայմանադրութեանց, պահեցին, բաւական համարելով զարձանագրութիւն նորին 'ի Դուռն, եւ 'ի դէպ ժամանակի 'ի գործ զիցեն զայն իբրեւ հնացեալ, որպէս այժմ ետուն նորոգել. նոյնպէս և զհրովարտակն վասն հանդիսի լուսաւորութեան, որոյ վէճն լուծեալ էր յառաջագոյն քննութեամբ և հանրագրութեամբ այլազգեաց Երուսաղէմի. այժմ հակառակ այսմ, դարձեալ առին հրովարտակ, որով սպառնան հասուցանել մեզ չարիս յափշտակել զհետեւակս մեր և արկանել զնոսա ընդ իշխանութեամբ Պատրիարքի իւրեանց. թէպէտեւ այս անկարելի, սակայն զկնի ժամանակաց լինի առիթ խռովութեանց եւ ատելութեանց. ուստի խնդրեմք ակնարկել յառաջին պայմանադրութիւնս և 'ի հրովարտակս մեր, և այնպէս լուծանել զխնդիրն:

Եւ ըստ հրամանի Արքային՝ քննեցան գրեանք Հայոց, որք են. Դաշնագիր Ալիի, գրեալ յԵրուսաղէմ 'ի վանս Ս. Յակոբայ (ՀՕ). հրովարտակ Սէլիմայ առաջնոյ (ԳԳԳ). Սիւլէյմանայ (ԳԿԿ) գիր գատարանի Հէօճճէթ (ԳԶԳ), յորում գատաստանք Հայ եւ Յոյն Պատրիարքաց յատենի